



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. X. De legum mutatione

[urn:nbn:de:hbz:466:1-77355](#)

test, secundum verba legis agendum est.

Dico ultimò, quando probabiliter judicatur, legem non comprehendere aliquem casum, licet uti episcopatia; dummodo tunc non habeatur aliud iudicium, quo probabilius existimetur casum il- lum comprehendere.

Hæc conclusio patet ex principiis statutis in dissertatione de probabilitate, ubi ostendimus iudicium probabile in moralibus sufficere quidem interdum ad prudenter operandum, quando non occurrit aliud probabilius; si tamen fiat concursus duarum opinionum probabilium, nos teneri sequi eam quam judicamus probabiliorem; alioquin peccamus contra regulas prudentias, quæ dictat huic portiū adhærendum esse sententia, B qua nulli prius errandi aut peccandi periculo nos exponit, quam illi, que nos probabili saltem peccandi & errandi periculo reddit obnoxios. Unde Chrysostomus homil. 44. in Matth. Si vestimentum empurus, unum geras negotiatorem & alterum: & ubi meliores vestes inveneris, & pretio viatori, ab illo comparas; an non oportet populum circuire omnes Doctores, & inquirere ubi sincere veritas Christi venundatur, & ubi corrupta, & veriorem eligere plus quam vestimentum?

Idem docet subtilis Doctor in 3. dist. 25. quest. 1. num. 8. ubi hæc scribit: In moralibus quando sunt altercationes de aliquo peccato, quando primò est mortale, ut si unus perius in scientia dicat quod non licet sic mercari, & alius dicat quod licet: tuus est non procedere sic nec sic, sed expectare quoque veritas pateat aliunde; si enim ita esset quod unus Doctor diceret, aliquem peccare mortali, nisi sic faceret, & alius quod peccaret, si sic faceret, tunc simplex foret perplexus: idèo bene videndum est in moralibus antequam aliquid asserratur, quia videlicet cum habens duas opiniones contrarias perplexus sit, periculose se determinaret ad unam, nisi re diligenter inspecta probabiliorem eligeret. Et in 4. dist. 11. quest. 6. Cum multis (inquit) sit probabilior pars negativa, non sine peccato aliquis se exponit dubio, sequendo affirmativam minus probabilem. Sed de hoc fusius in prædicta dissertatione de probabilitate.




DISPUTATIO X.

De legum mutatione.

Ad questionem 97. D. Thomæ.

Cum tripliciter lex aliqua mutari possit, nimirum per dispensationem, seu relataxationem juris circa alias personas, per abrogationem, & per cessationem, seu simplicem desitionem, ut quando lex ad tempus lata, eo elapsa expirat; ut legum humanarum mutatio perfectè declaretur, detruplici illo modo mutandi leges humanas, breviter hæc agendum est, & primò de dispensatione, deinde de abrogatione, & cessatione legum humanarum.



ARTICULUS II.

Quid sit dispensatio, & an ea in legem humanam cadere possit?

Dispensatio definitur à Glossa in cap. Requiuariis 1. quest. 6. Iuris communis relaxatio facta cum cognitione cause, ab eo qui jus habet dispensandi. Verum cùm hac definitio supponat ad validè dispensandum necessariam causam cognitionem, quod in controversiam vertitur, illam sic alii definunt: *Dispensatio est juris relaxatio, à potestate relaxandi habente facta.* Alii demum omisssā causā efficiente, per formalem sic brevius eam definunt: *Dispensatio est juris relaxatio.*

Ex his definitionibus colligitur primo, dispensationem in eo differre a legis interpretatione, quod hæc declarat tantum legem suam vim obligandi non habere in aliquo casu, vel persona particulari: illa, adhuc vigente legis obligatione, subditum eximi à legis obligatione, quæ alioquin astringeretur. Quò sit ut legem interpretari, non sit tantum superioris, sed etiam subdit, qui per episcopatiam potest in casu particulari declarare, legem non obligare: contra vero in lege dispensare non potest, nisi superior, cùm sit actus jurisdictionis, qui superioritatem requirit in dispensante, & subjectionem in eo cum qua dispensatur.

Colligitur secundò, dispensationem differre à privilegio, nam privilegium propriè est privata lex, quæ potest aliquando esse contra jus, & tunc est dispensatio; aliquando vero est præter jus, & tunc non est propriè dispensatio.

Colligitur tertio discrimen quod inter absolutionem & dispensationem versatur, nam absolutione non est contra legem communem, sed portiū secundum illam, si persona absolvenda illam mereatur; dispensatio vero est contra legem communem, cùm sit juris relaxatio.

Colligitur quartò, dispensationem rem esse odiosam, subindeque restringendam, seu strictè interpretandam; quia odiosum est eximi à lege, quæ aequaliter omnes obligat; & quia, ut ait regula 28. juris: *Quæ à jure communi exorbitant, nequaquam ad consequentiam sunt trahenda.*

Colligitur quintò, dispensationem rectè vulnus seu vulnerationem legis appellari 23. quest. 4. can. *Ipsa pietas:* Lex enim ex duplice causa viti & vigorem habet, primò ex autoritate legislatoris, cuius prudencia regulam actibus humanis imponit, & ex consuetudine, quæ est vis constitutiva legis; quia consuetudo difficultè vincitur, præcipue, si sit multitudinis; unde fit ut lex non prævaleat contra consuetudinem, sed potius consuetudo contra legem: quando autem cum aliquo juris rigor relaxatur, detrahitur aliquid de autoritate legislatoris, & de consuetudine, & sic veluti infligitur vulnus legi. Quod per dispensationem aliquid detrahatur à consuetudine, manifestum est; quod vero etiam de legislatoris autoritate detrahatur, ex eo patet quod legislatoris autoritas fundatur in prudenteria gubernativa; prudenteria autem est prævidere res futuras, & casus qui possunt emergere, eisque opportuna remedia adhibere. Quando ergo dispensatur in legi aliqua, tunc quodammodo taxatur minoris prudenterie legislator, eò quod casum illum particularem non præviderit.

Ex quo intelliges, quod licet in legem divinam

- nō possit cadere dispensatio propriè & strictè sumpta, quia Deus omnia singularia & contingētia prævidet, nec in legem naturalem, cùm illa nihil aliud sit, quām impressio legis divina & æternæ facta in mentibus nostris, bene tamen in legem humanam, quia nimirum legislator humānus, quantumcunque prudens, non potuit singulos casus emergentes & contingentes prævide-re. Unde Sapient. 9, dicitur: *Cogitationes mortaliū timida, & incerte providentia nostra.*
- 7.** Addo quod, sicut ad bonum commune conducit eximere aliquas personas per speciale privilegium à lege commune; ita ad idem bonum commune promovendum convenit cum aliquibus personis in eadem lege dispensare, cùm non minus per pri-vilegium, quām per dispensationem, fiat a communi lege relaxatio.
- 8.** Dices, Leges humanae sunt conclusiones deducētæ ex lege naturali: Ergo si dispensatio in legem naturalem cadere nequeat, non poterit etiam cadere in legem humana.
- Sed nego Consequentiam, duplex enim distingueduntur modus quo leges humanæ ex naturali deducuntur. Unus per modum conclusionis evi-denter contentæ in principiis naturæ, ut in illo universalis principio: *Quod tibi fieri non vis, alteri ne feciri*, evidenter continentur istæ conclusiones: *Non est occidendum. Non est furandum. Ni-hil supra iustum est accipendum.* Alter per modum particularis determinationis, ut cùm Prin-ceps statuit certa media, quorum observatione publicum bonum promoveatur & conservetur, ut non esse nocte arma ferenda; certis temporibus abstinentium esse à carnibus; in publicis contra-ribus, certas ceremonias esse servandas, & simili-ia, quæ in principiis naturalibus non continen-tur evidenter, cùm æque ipsa, ac opposita, vel alia disparata, pro publico bono servando statui possint. Quamvis ergo in leges humanas primo modo in principiis legis naturæ contentas, dispen-satio cadere nequeat, cùm illæ immediatè obli-gent ex jure naturæ, unde eadē sunt apud omnes gentes, & ad ius gentium pertinent, ut docet S. Thomas supra quæst. 95, art. 4. bene tamen in leges humanas secundo modo contentas in prin-cipiis naturæ, cùm illæ immediatè non obligent ex jure naturæ, sed ex præcepto & imperio Prin-cipis, qui sicut potuit à principio tales leges non ponere, ita & ab illis semel positis certas per-sonas per dispensationem vel per privilegium exi-mere potest.
- 9.** Hoc omnes Theologi convenient, sed dubi-tatur, & queritur primò, an liceat superiori subditum sine justa causa à lege humana dispen-sare?
- Respondeo negativè, contra aliquos Autiores relatos à Sanche lib. 8. de matrim. disp. 8. qui existimant supremum Principem, eam sine justa causa, in sua lege dispensare posse, solamque Principis voluntatem dicunt justam esse causam dispensationis. Oppositum docentali Theologi cum S. Thoma hic art. 4. ubi hæc scribit: *Ille qui habet regere multitudinem, habet potestatem dis-pensandi in lege humana, qua sua autoritati ini-misit, ut scilicet in personis, vel in casibus, in quibus lex deficit, licentiam tribuat, ut præceptum legis non seruetur.* Si autem absque hac ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem, si non habet intentionem ad bonum commune;
- A** imprudens autem, si rationem dispensandi ignorat; Propter quod Dominus dicit Luca 12. *Quis putas est fidelis dispensator & prudens, quem constituit Dominus super familiam suam?* Quibus verbis rationem fundamentalem nostræ resolutionis insinuat, nam contra fidelitatem & implicitum pactum cum republica agit Princeps, qui absque justa causa à legibus communis bonum spectanti-bus cum aliquo dispensat. Ergo peccat sine justa causa dispensando. Consequens pater. Ante-cendens probatur, Princeps potestatem legislativam, in qua includit dispensativa, cum tacita condi-tione à regno vel republica accipit, ut illa uti non possit in destructionem & nocumentum ipsius re-gni ac reipublice: Ergo contra fidelitatem & im-plicitum pactum cum republica agit, dum in legi-bus communibus sine causa dispensat. Unde Ber-nardus lib. 3. de considerat. cap. 4. *Quæriuntur in-ter dispensatores ut fidelis quis inveniatur. Vbi ne-cessitas viget, excusabilis dispensatio. Vbi utilitas pro-voeat, dispensatio laudabilis est. Utilitas (di-co) non propria, sed communis. Nam cum nihil horum est; non planè fidelis dispensatio, sed cru-delis dissipatio est.*
- Addo quod, quisquis sine justa causa dispensat, imprudenter & irrationaliter agit, eximendo à lege communis eum qui non est eximendus; quod est vitium acceptioris personarum, oppositum justitiae distributivæ respectu Principis, peccan-tis contra suum officium. Unde Tridentinum sef. 25. cap. 18. de reform. prohibet dispensare, sine urgenti justaque causa.
- B** Quæres secundò, an dispensatio sine justa & ra-tionali causa concessa, nedum illicita, sed etiam invalida sit?
- Respondeo quod dispensatio legis data à supre-mo Principe, hoc est à Legislatori, sive ab eo qui est æqualis ei, aut etiam superior, sine causa le-gitima, est valida in utroque foro; secùs vero dis-pensatio data ab inferiori in lege superioris, sine legitima causa.
- Ratio primæ partis est, quia lex omnino pen-det à voluntate Legislatoris in fieri & conservati, qui sicut à principio potuit eam non condere, ita & eam potest in totum abolere, per abrogationem, & ex parte tollere seu restringere, eximen-do aliquem vel aliquos ab ejus obligatione, quod fit per dispensationem: Ergo dum Legislator ab-solutè & sine causa, vult aliquem à lege eximere, illuc manet exceptus, & legis obligatio, respec-tu illius, manet sublata; alias conservaretur & superstes maneret vis legis, independenter à vo-luntate, in modo contradicente voluntate Legislatoris; quod non est minus impossibile, quam crea-turam conservari in suo esse & virtute, suspenden-te Deo circa illam suum concursum conservati-vum.
- C** Ratio vero secundæ partis est: Cùm nequeat in-ferior in lege superioris dispensare, nisi per po-testatem sibi à superiori concessam; cùmque ra-tionaliter præsumi non possit, superiori potestatem concedere inferiori, ut sine justa causa in sua lege dispenset, sequitur omnem dispensatio-nem factam ab inferiori in lege superioris, sine justa causa, esse invalidam & nullam, defectu po-testatis. Hinc
- Colligitur primò, dispensationem factam à Summo Pontifice in votis, vel in aliis quæ sunt de-jure divino, aut naturali, sine legitima causa, in-validam esse, subindeque sic dispensatum, non

B B b iiij

poste tali dispensatione uti, tutâ conscientiâ ; quia Summus Pontifex non accepit à Christo potestatem dispensandi in jure divino , aut naturali , sine rationabili causa , ut rectè obseruant Cajetanus in Summa verbo , *Dispensatio*. *Sylvestri verbo Votum 4. quæst. 3.* & *Sotus de justitia & iure quæst. 7. art. 3. ad 3.*

14. Colligitur secundò , Summum Pontificem posse validè dispensare , ex plenitudine sua potestatis , in quibuscunque legibus ac statutis Conciliorum generalium , & aliorum Summorum Pontificum , etiam sine legitima causa . Quia omnes istæ leges sunt juris humani , supra quod Summus Pontifex habet supremam & plenam potestatem , quâ & illud potest in totum abolere , per abrogationem , ac tollere per dispensationem ; licet quidem & validè , cum causa ; illicet vero ; sed validè , si nulla causa justa talis dispensationis existat . Unde Bernardus lib. 3. de considerat. ad Eugenium Papam , cap. 4. *Sic faciendo (inquit) probabis vos habere plenitudinem potestatis , sed iustitia foris non ita . Hoc facitis , quia potestis ; sed utrum & debeatis , questio est . Honorum ac dignitatum gradus conservare possit estis , non invadere .*

15. Colligitur tertio , dispensatum à superiori in ejus lege , sine causa , non peccare utendo tali dispensatione , sed eà posse uti tutâ conscientiâ . Nullus enim peccat utendo jure suo : At sic dispensatus uitetur jure suo , utendo indulgentiâ dispensationis sibi concessæ : Ergo non peccat in hujus dispensationis usu .

Nec valet quod ait Martinonus in Tractatu de legibus , disp. 32. sect. 3. num. 27. quod licet utens tali dispensatione non peccet contra legem humanam , quæ definit ipsum obligare , peccat tamen contra jus naturale , quia turpis est pars , que toti non consentit . Non valet , inquam , quia licet turpis sit pars quæ à toto sine causa discordat , non tamen quæ discordat à toto , cum causa : At ille qui utitur tali dispensatione , non discordat à toto sine causa , nam ad non servandum legem illam in qua est dispensatus , habet causam & titulum legitimum , scilicet beneficium dispensationis : Ergo nec contra legem humanam , nec contra jus naturale peccat .

16. Colligitur quarto , inferiorem Prælatum , vi sua potestatis ordinariae , non posse dispensare in lege Prælati superioris . Nam dispensare est tollere vim legis ex parte , & respectu personæ que dispensatur : Sed tollere vim legis , est duntaxat illius qui legem condidit , vel qui æquali cum eo gaudet potestate ; non vero illius qui potestatem inferiorem habet : Ergo Prælatus inferior non potest , vi sua potestatis ordinariae , dispensare in lege superioris .

17. Sunt tamen aliqui casus in quibus Prælatus inferior , potest , vi sua potestatis ordinariae , in lege Prælati superioris dispensare . Primus est , quando levius est materia , ita ut transgressio legis fit tantum veniale ; sicut enim veniale peccatum nulli est reservatum , sed quilibet Sacerdos ab eo potest absolvere ; sic etiam ab obligatione legis potest inferior prælatus , ratione levitatis materiae dispensare . Addo quod nec rationi nec recte & suavi gubernationi consonum est , ut semper pro levibus ad superiorem recursus , tametsi ad illum facilis sit recursus .

Secundo potest dispensare inferior prælatus in his quæ frequenter occurre solent , cuiusmo-

A di sunt dispensatio in jejunio ; in festis celebrandas , & similibus ; nam & grave esset Principi , & nimis difficultis redderetur gubernatio , & satis limitata esset autoritas gubernantis , si in hujusmodi præceptis dispensandis , semper recurrendum esset ad ipsum Principem .

Tertiò potest dispensare inferior prælatus in his quæ ita propria sunt unius communitatâ , ut nullo modo convenienter alii . Ea enim quæ sunt propria unius communitatâ , sunt magis nota & perspecta immediato gubernatori , quam supremo Principi aut Prælato , ac proinde melius ipse quam superior deis judicare poterit .

Quarto , potest dispensare inferior prælatus , cùm in casu extraordinario urget necessitas dispensandi , atque periculum in mora , & valde difficilis est ad superiorem recursus . Sic posset Episcopus dispensare in impedimento matrimonii , alioquin dispensabili , si cum defectu occulto palli in facie Ecclesiæ , saltem cum alterius conjugis bona fide , fuisset celebratum ; ipsa vero separatio fieri non posset , nisi cum maximo incommode . Secùs autem , si nondum esset in facie Ecclesiæ celebratum , ad Summum enim Pontificem tunc recurendum esset .

Demum potest prælatus inferior dispensare , cùm dubium est utrum casus dispensatione egeat , vel non , tunc enim præsumptio est pro libertate , quæ possidet ; unde fit ut casus , nisi certus sit , reservatus communiter non censeatur .

ARTICVLVS II.

An , & à quo , & quibus modis , lex humana abrogari possit ?

Constat ex dictis articulo præcedenti , abrogationem à dispensatione differre ; abrogatio enim est totius legis ablatio ; dispensatio vero est solùm quædam legis restriictio & limitatio circa aliquam personam , aut aliquos effectus , manente illius obligatione circa alios .

Constat etiam differre abrogationem ab irritatione , derogatione , correctione , & cessatione legis . Irritare legem , est impetrare , ne illa obligandi robur obtineat . Abrogare , est , postquam vim obligandi lex obtinuit , illam in universum tollere . Derogare est , illam non in totum , sed in partem tollere . Corrigere legem est , illam moderari , addendo vel demendo aliquid . Demum lex cessare dicitur , quando vel finitus tempus , pro quo illa ad obligandum posita fuit , vel causa propter quam lata fuerat . His præmissis

Dico primò , leges humanas mutari & abrogari posse ; abrogari tamen aut mutari non debere , nisi ex tali abrogatione vel mutatione major aliqua utilitas speretur . Ita D. Thomas hic art. 1. & 2.

Probatur prima pars ratione quam art. 1. insinuat , nam leges humanæ considerari possunt vel ex parte rationis humanæ à quo procedunt , vel ex parte hominum quorum actus lege dirigitur : Sed ex utroque capite mutabiles sunt : Ergo leges humanæ mutari & abrogari possunt . Minor quantum ad primam partem evidens est , cùm enim ratio humana finita & limitata sit , & ab imperfetto ad perfectum procedat , non potuit legislator statim à principio prævidere omnia quæ ad utilitatem Reipublicæ magis conducederent .

Possunt, unde posteri beneficio temporis, potuerunt aliqua excogitare ad Reipublica utilitatem conducentia, quæ non excogitarunt Majores: Ergo ex parte rationis humanae, que est legum constitutiva, leges humanæ mutabiles sunt. Quod verò etiam ex parte morum & temporum, mutationi obnoxiae sint, etiam constat; sèpè enim aliqua lex uno tempore expedit, quæ alio, variatis hominum moribus, expedire non judicatur. Ita Deus aliis legibus & preceptis usus est hominibus regendis, ante ac post Christi adventum; alisque legibus utitur in praesenti, ac usus est in futura vita, variata hominum conditione ac statu vivendi. Aliud exemplum afferit S. Thomas ex Augustino lib. 1. de libero arbitrio capite 6. ubi sic ait: *Si populus bene moderatus (vel ut alii legunt, bene mortatus) sit, communisque utilitatis diligentissimus custos, in quo unusquisque minoris rem privatam quam publicam pendat, nonne rectè lex ferur, quā tali populo licet creare sibi magistratus, per quos Respublica administretur?* Porro si paulatim depravatus idem populus, rem privatam publica rei preferat, atque habeat venale suffragium, corruptusque ab eis qui honores amant, regimen in se flagitiosis conseleratique committat, nonne item rectè, si quis tunc extiterit vir bonus, qui plurimum possit, adiutor huic populo potestatem dandi honores, & in paucorum bonorum, vel etiam unius redigat arbitrium?

21. Probat etiam secunda pars conclusionis ratione quam insinuat Divus Thomas articulo 2. Plus detrimenti timendum est, quam utilitas sperandum, in legum mutatione, propter periculum contemptus legum ex una parte, & majoris facilitatis servandi antiquas, quibus diuturna observatione assuevimus: Ergo nisi haec compensentur certa spē majoris utilitatis, quæ ex hujusmodi mutatione legum speretur, non libebit eas mutare. Unde Ulpianus Digesto veteri libro 1. tit. 4. de Constitutionibus Principum lege 2. In rebus novis constituendis evidens debet esse utilitas, ut recedatur ab eo jure quod diu aquum visum est.

22. Advertendum tamen, quod licet Legislator peccet, abrogando leges absque ulla causa & utilitate, abrogatio tamen sic facta, valida est, nec tenentur amplius subdit legem sic abrogatam servare; quia lex essentia liter constitutur voluntate & imperio Principis, unde eo, ob quacumque tandem rationem sublatu, cessat lex, subindeque obligatio ejus; nam ubi lex non est, nec legis obligatio esse potest.

23. Dico secundò, quivis Legislator potest legem quam condidit abrogare; superior etiam potest legem inferioris abrogare, non tamen inferior legem superioris.

Prima pars patet, cum enim, ut supra dicemus, lex essentia liter constitutur voluntate & imperio Legislatoris, ab eo dependet inesse & conservari, subindeque eo sublatu cessat lex.

Secunda etiam evidens est, quia superior habet plenam potestatem supra inferiorem, & consequenter supra omnes leges ab eo conditas.

Tertia vero, quæ afferit, inferiorem non posse legem superioris abrogare, habetur in Clementina, *Ne Romani Pontificis*, in qua à Clemente V. definitur, legem superioris non pos-

A se per inferiorem abrogari, corrigi, aut mutari, cum inferior nullum jus aut potestatem habeat in superiore, ejusque constitutiones ac leges. Unde Episcopi, vel Cardinales, leges Pontificias abrogare nequeunt, multòque minùs possunt Laici legibus & canonibus Ecclesiasticis derogare. Similiter Magistratus civiles, & communites, aut Principes, alteri superiori subjecti temporaliter, non possunt legibus ejus civilibus, & iuri communis totius ejus imperii derogare, aut contrarium aliquid in proprio territorio statuere, ut male docent nonnulli Juristi, perperam in hunc sensum allegantes legem *Omnis populi*. ff. de justitia & jure, ubi solūm dicitur, civitates Imperatori subjectas habere potestatem condendi leges proprias, & suis moribus accommodatas. Quod intelligendum est de legibus non contrariis legibus imperialibus, quæ scilicet quamvis aliquid novum & diversum statuant, non tamen repugnans & contrarium.

Dico tertio, tribus modis lex antea acceptata abrogari potest, primò, per expressam revocationem Principis; secundò, per constitutionem novae legis priori repugnantis; tertio, per contrariam confuetudinem.

Conclusio patet quoad omnes partes. Advertendum tamen est, quod si abrogatio fiat per contrariam legem, debet illa lex promulgari, ut habeat vim completam abrogandi alteram; quia sine promulgatione non habet vim & rationem perfectam legis. Si verò lex simpliciter & purè revocetur, absque novæ legis constitutione, definit quidem lex in re ipsa esse, hoc ipso quod Legislator interius eam apud se revocat, nullo adhuc dato signo externo revocationis, manet tamen adhuc ejus obligatio in subditis, ob ignorantiam talis revocationis. Quare ut prudenter & utiliter legis revocatione fiat, debet subditis intimari, & quidem publicè, ad vitanda scandalum, & morum dissimilitudinem, alioquin aliqui propter notitiam privatam revocationis, legem non servarent, aliis adhuc servantibus, & servari debere creditibus, ob ignorantiam revocationis illius, quod maximam in Republica deformitatem, dissimilitudinem, ac turbationem induceret.

Quæres, quinam sint casus in quibus cessat obligatio legis humanae?

Repondeo obligationem legis humanae cessa-re primò, si ejus observatio reddatur nociva. Secundò, si ejus observatio fiat incompossibilis cum lege naturali, vel divina. Tertiò, si ratione subjecti, vel alicuius circumstantiæ particularis, lex fiat observatu moraliter impossibilis. Demum quando cessat tota & integra ratio propter quam lex fuit lata, eo ipso cessat legis obligatio, ut docent Cajetanus, Navartus, Hentiquez, & alii, quamvis Suarez lib. 6. de legibus cap. 9. oppositum docet, licet enim fateatur, quod quādo leges precipiunt actus de se indifferentes, ut ferre a non ferre arma, exportare aut non exportare triticum, & similia, cessent, deficiente fine adæquato ad quem leges illæ ordinantur; contendit tamen, quod quando lex præcipit actum de se bonum, non cessat, deficiente fine extrinseco quem legislator intendit, quia, inquit, bonitas intrinseca, quā pollet, est finis proximus & intrinsecus legis.

Opposita tamen sententia videtur probabilior,

DISPUTATIO DECIMA

quia nimis lex non obligat, nisi juxta voluntatem Legislatoris à quo fertur; neque continuat obligationem, nisi perseverante moraliter eadem voluntate: Atqui cessante totâ & integrâ ratione propter quam legem tulit, non perseverat moraliter voluntas obligandi: Ergo cessante totâ illâ ratione, lex non amplius obligat. Major pater, Minor probatur, quia Legislator non habuit voluntatem obligandi, nisi dependenter ab illa ratione, & propter illam; siue aetus aliquin habeat intrinsecam bonitatem, siue non: At cessante ratione motivâ, vel causâ finali propter quam aliquid voluimus, desinimus illud velle, cum impossibile sit stare actum voluntatis, sublatu ejus objecto formaliter: Ergo cessante totâ & integrâ ratione propter quam Legislator legem tulit, & voluntate obligata, cessat quoque voluntas obligandi.

27. Confirmatur: Si lex præcipiat jejunium sœmeli in hebdomada, ad Deum placandum, propter aliquam necessitatem publicam, cessante publicâ necessitate, cessat obligatio jejunii, quamvis circa illam necessitatem, jejunium sit aetus virtutis, habens bonitatem & honestatem intrinsecam temperantiae: Ergo quamvis lex præcipiat actum intrinsecè bonum, si tamen cesset causa adæquata legis, seu tota ratio motiva propter quam fuit lata, cessat ejus obligatio.

28. Dixi cessante causâ adequare, quia si lex lata fuit ob plures causas, cessante unâ, modo non cessent aliae propter quas lata est, non cessat obligatio legis. Sicut quia lex baptismi lata est non solum ad tollendum origine, sed etiam ad consignandum hominem Christianæ Religioni, eumque à ceteris seculis distinguendum, & reddendum idoneum & capacem ad reliqua sacramenta suscipienda; tametsi prima causa cefaret, & peccatum originale, per sanctificationem in utero matris, esset sublatum, nihilominus adhuc lex baptismi, propter alias causas propter quas lata est, obligaret.

D

DISPUTATIO XI.

De lege Divina veteri.

Ad questionem 98. D. Thomæ, usque ad 106.

HAecen de lege humana fusè differui-
mus, nunc agendum nobis est de lege
Divina positiva, cuius necessitatem de-
monstrat S. Thomas suprà quest. 91. art. 4.
ubi quatuor assignat rationes, cur lex Divina,
ultra naturalem & humanam necessaria fuerit.
Primò, inquit, quia per legem dirigitur homo
ad actus proprios in ordine ad ultimum finem.
Et siquidem homo ordinaretur tantum ad fi-
nem qui non excederet proportionem natura-
lis facultatis hominis, non oportaret quod ho-
mo haberet aliquid directivum ex parte ratio-
nis, supra legem naturalem, & supra legem hu-
manitatis positam, quab ea derivatur. Sed quia
homo ordinatur ad finem beatitudinis æternæ,
qua excedit proportionem naturalis facultatis
humanae; ideo necessarium fuit ut supra legem
naturalem & humanam, dirigeretur etiam ad
suum finem, lege divinitatis datâ. Secundo, quia
propter incertitudinem humani iudicij, præ-

A cipue de rebus contingentibus & particuliari-
bus, contingit de actibus humanis diversorum,
esse diversa iudicia, ex quibus etiam diversæ &
contraria leges procedunt. Ut ergo homo abs-
que omni dubitatione scire possit quid ei sit a
gendum, & quid vitandum, necessarium fuit,
ut in actibus propriis dirigetur per legem di-
vinitatis datam, de qua constat quod non potest
errare. Tertiò, quia de his potest homo legem
facere, de quibus potest judicare: iudicium
autem hominis esse non potest de interioribus
motibus, qui latent, sed solum de exterioribus
actibus qui apparent; & tamen ad perfectio-
nem virtutis requiritur, ut in utrîque actibus
homo rectus existat; & ideo lex humana non
potuit cohære & ordinare sufficienter inter-
iores actus, sed necessarium fuit quod ad hoc
supervenire lex Divina. Quartò, quia lex hu-
mana non potest omnia que male sunt punire,
vel prohibere, quia dum auferre veller omnia
mala, sequeretur quod etiam multa bona tol-
lerentur, & impeditur utilitas boni commu-
nis, quod est necessarium ad conversationem
humanam: ut ergo nullum malum improhibi-
tum & impunitum remaneat, necessarium fuit
supervenire legem divinam, per quam om-
nia peccata prohibentur.

C Licit vero lex divina variè dividì possit, com-
munis tamen ejus divisio est in veterem, quæ à
tempore Mosis, usque ad Christi passionem &
mortem, inter Israëlitas viguit; & novam, quæ
à Christo data & instituta, usque ad consumma-
tionem seculi perseverabit. De utraque signillatim
& breviter differendum, & primo de lege veteri,
quæ legis novæ & Evangelica typus & figura
fuit. Unde sit

ARTICULUS I.

*Virum lex vetus, bona, utilis, ac perfecta
fuerit?*

§. I.

Prima pars quesiti resolutio.

AVgustinus cap. 1. & 46. libri de hæresibus
refert Manichæos & Marcionistas, cum
duo summa principia invexissent, unum bono-
rum, alterum vero malorum, credidisse legem
veterem malam esse, & à malo principio condi-
tam; novam vero à bono profectam, subinde-
latur, & veritas Catholica stabilitur.

Dico primò, legem veterem fuisse bonam, &
sanctam.

E Probatur, quia Deus fuit legis illius Author,
ut ostendemus articulo sequenti: Ergo non po-
tuit esse nisi bona & sancta, sicut ipse bonus &
sanctus est. Unde Apostolus ad Roman. 7. Lex
quidem sancta, & mandatum sanctum, & justum,
& bonum. Ubi mandatum legis Mosaicæ dicitur
sanctum, propter præcepta ceremonialia; justum,
propter iudiciale; bonum, propter moralia, ut
notat D. Thomas hic quest. 99. art. 4. Con-
clusio magis patet solutione objectionum, &
explicatione locorum Scriptura, quibus legem
illam malam fuisse insinuari videtur.

Obijicitur ergo primò: Ezechielis 20. dicitur:
*Dedi eis præcepta non bona, & iudicia in quibus
non vivent:* Sed lex non dicitur bona, nisi pro-